

圓悟佛果禪師語錄卷第四

漢七

宋平江府虎丘山門人紹隆等編

東京天寧寺語喬貴妃請上堂云一句全提
漢七
千差併會一華開現萬福來臻往復無間而
有源動靜不移而常寂處處是佛頭頭是道
若也深信得及更不假他人餘力直似壯士
屈伸臂頃全出此機若動若靜若出若處殊
勝中現殊勝奇特中現奇特更非外緣全承
渠德所以道天人群生類皆承此恩力若識
此恩動止作為百千變現悉不落虛正當恁

麼時一句作麼生道當陽徧界無回互千重

百面轉光輝

祖師會上堂僧問少林首傳於頓旨五葉爲
芳葱嶺遂別於衆流千燈續照門庭雖異五
家般若同歸地位如何是五家宗派師云吒
吒沙沙歷歷落落進云若不借問爭達本源
師云一筆勾下進云趨倒淨瓶不留活計兩
口無舌正是吾宗如何是爲仰宗師云天下
人跳他圓相不出進云三回喫棒猶若蒿枝
末後瞎驢人天正眼如何是臨濟宗師云敲

唱俱行進云休去歇去古廟香爐枯木生華
祖佛心要如何是曹洞宗師云兩兩不成雙
進云對機餉餅本自天然一箇遼空三句可
辨如何是雲門宗師云當面蹉過進云色空
明暗觸處光輝刹刹塵頭頭顯露如何是
法眼宗師云點進云祖師心印狀似鐵牛之
機去即印住住即印破只如無鼻孔衲僧作
麼生印師云便是閻黎進云天下祖師鼻孔
盡被和尚一串穿却未審和尚鼻孔被什麼
人穿師云莫謗佛果好師乃云千聖頂顙上

可容刹海衲僧命脉中不許真機更通一線
路以佛現祖從祖證佛印印無差機機圓證
靈山拈華示衆建立此箇宗風金色頭陀曾
承妙旨以至西天四七此土二三自曹溪散
席已來數百年間列刹相望各各握靈蛇珠
卷七
人人抱荆山璧有照有用有權有實提振向
上宗風傳持正法眼藏要且百川異流同歸
大海千重百匝無出一源所以道西天二十一
八祖也恁麼唐土六祖也恁麼天下列刹相
望諸老宿也恁麼山僧也恁麼且道恁麼事

作麼生商量還提掇得出麼還継素得明麼

山僧不惜兩莖眉毛與諸人點破遂拈拄杖
云還見麼三世諸佛歷代祖師天下老和尚
盡在拄杖頭上放大光明現權現實現機現
境列五位君臣開三玄宗要機境相投箭鋒
相拄一字三句同源圓相境致殊別若也於
此委悉百草頭上罷却平生事根株亦不留
聞清聲外句莫向句中求儻或未然山僧不
免又拖泥涉水也達磨不來東土二祖不往
西天人人壁立萬仞箇箇常光現前卓拄杖

一下下座

蓮華會上堂僧問薦蕩叢中選佛場法筵大
啓一爐香靈山萬古拈華事今日憑師爲舉
揚師云不是苦心人不知進云恁麼則法法
已隨諸法住分明露出白蓮機師云即今觀
面已相呈進云妙性海中爲雨露菩提場裏
漢子起清風師云猶落第二頭進云學人只如此
師意又如何師云頂門三千腦後八百師乃
云毗婆尸已前千華現瑞天中天正地優曇
呈祥直得徧界不曾藏通身無影像現大蓮

無量周匝千華座一葉一釋迦一鬚一彌勒
塵塵爾刹刹爾處處爾念念爾一塵舉大地
收一華開世界起可謂殊勝中最殊勝奇特
中倍奇特感慈塔前凝瑞氣羅漢洞邊顯真
容法會儼然人天普集到這裏合談何事說
玄說妙得麼說佛說祖得麼舉古舉今得麼
顯作顯用得麼盡是從前已後大宗師拈出
了也即今不如總不動著只呈一箇現成公
案若也薦得人人心華發明處處照十方刹
正當恁麼時推功歸本一句作麼生道還委

悉麼萬方有慶歸明聖願見黃河百度清
喬貴妃娘子請爲法真和尚病起上堂師云
鷲峯單提向上機千靈不謀而會合少室密
傳正法眼萬象不融而圓通契印相投緣因
相入神功如天地之覆載妙智若日月之照
臨沙界等平略無向背有大解脫士證大解
脫道闢大解脫門示大解脫事現古人攢簇
不得底病直教千聖覓起處不見諸佛衆生
皆有是病諸佛若病即非衆生衆生若病即
非諸佛是故以衆生病故示有此疾由茲王

舍城人各各稟頂上光悉來問病而是大士隨求顯示令其萬仞壁立以至衆生病盡大解脫士亦安既安之後有大檀越作大法施建大法幢演大法義兩大法兩一一交羅重

漢七

重無盡正當恁麼時應時應節一句作麼生

道還委悉麼靈苗增秀氣瑞草發祥光復成一偈示病維摩元不病問疾文殊初不來建大法幢啓大施頓令千眼一時開
喬貴妃設千佛會上堂云千華顯瑞應萬善積靈臺廣闢解脫門大開無價藏舉揚正法

眼表示千佛因直得徧界絕籠羅當陽無取捨透聲透色亘古亘今有具大信根修菩薩行發難思願力啓清淨莊嚴建大道場具列珍羞一香一華一茶一果同法性等太虛塵塵刹刹千佛放光如理如事十方普應所以道大臣無繩墨良材無曲直紅輪爍太虛徧界皆輝赫一華開一佛出世一座舉一佛成道主伴交參森羅顯煥集無涯福祿祝睿算無疆正當恁麼時作麼生道室內千燈相照耀天邊寶月更清圓

鄆國大王請上堂僧問如何是第一句師云
豈容聲相從君見進云半夜碧雲籠古殿天
明海岸送金烏師云肘臂有符人共看進云
如何是第二句師云真金須向爐中煅進云
倒騎鐵馬上須彌踏斷曹溪流水聲師云正
漢七
在半途間進云如何是第三句師云出草入
草要求人進云妙喜刹中爲雨露無明山上
起雲雷師云分明垂手處子細好生觀師乃
云至理自調然千華曾現瑞無在無不在十
方即目前若是利根上智一舉便解承當既

能截斷衆流可以超今冠古以如是智以如
是力以如是心以如是願明同杲日寬若太
虛所以道譬如虛空體非群相而不拒彼諸
相發輝又道若人欲了知三世一切佛應觀
法界性一切唯心造蓋此清淨本元離去離
來離聲離色若以真實正見契寂如如雖二
六時中不思不量無作無爲至於動靜語默
覺夢之間無不皆是本地風光本來面目現
諸祥瑞現諸奇特皆是從無量無邊劫海薰
習種智從清淨微妙根智如是應現正當恁

麼時如何無相光中千佛現一道清虛亘古
今復舉釋迦老子靈山會上說大般若舍利
弗於佛前問須菩提夢中說六波羅蜜與覺
時是同是別須菩提云此義幽深吾不能說
此會中有彌勒大士次補佛處可往問之彌
勒云誰爲彌勒誰是彌勒者師拈云還委悉
麼一句當機萬緣寢削更聽一頌夢中說法
覺無殊妙用神通不出渠誰是誰名終彌勒
祥光起處現心珠
本然居士請上堂云寸絲不掛猶有赤骨律

在萬里無片雲處猶有青天在若乃不盡去
未免者也周由直饒一切坐斷已落佛祖圈
纏到這裏作麼生舉揚作麼生提持雖然如
是從上來有箇現成公案不免提持去也古
者道吾有大病非世所醫僧後問曹山未審
是什麼病山云攢簇不得底病僧云未審一
切衆生還有此病也無山云衆生若病即非
漢七衆生僧云只如和尚還有麼山云正覓起處
不得大衆此病即非世所醫須要本分作家
以金剛錐與他頂上一劄正覓起處不得也

與一服直教祖病佛病玄妙之病機緣境
界悉灑灑落落脫然解脫不住解脫機到這裏
羅籠不肯住呼喚不回頭古聖不安排至今
無處所只這無處所早是處所了也直須千
峯萬峯那邊承當得去好等閑拈一機舉一
句盡與人抽釘拔楔解黏去縛更說什麼直
指人心更覓什麼見性成佛正當恁麼時如
何不假纖毫力碎佛祖窠窟

少保張丞相忌日請上堂僧問維摩大士去
何從千古令人望莫窮不二法門今正問夜

來明月上高峯只如維摩一默意旨如何師
云逼塞虛空進云恁麼則當陽無向背觀體
露全機師云無你挿觜處進云爭柰前三三
後三三師云也是肇縣茶瓶進云只如文殊
道我於一切處無言無說與他一默是同是
第七
別師云落在第二頭進云爭柰斬釘截鐵師
云橫按鎮鉢進云只如無盡居士與和尚平
昔道契相知且道即今何在師云爲你說了
也進云學人今日小出大遇師云你將什麼
報恩進云萬古碧潭空界月師云閑言語師

乃云大衆握佛祖鉗鎌控作家爐鞴烹燶古今驗證衲僧唯用向上一機金剛王寶劍臨濟祖師傳黃鬃馬祖此箇機要向大河之北獨振正宗一喝分賓主照用一時行坐斷天下舌頭奔走四海雲水以至乃子乃孫傳此正見用此真機若非大解脫人安能當陽證驗憶昔無盡大居士生平以此箇事爲務徧寰海宗師無不咨參到兜率山下逢見老衲論未後句始得脫體全真言解道理一時脫却遂作偈云鼓寂鐘停托鉢回巖頭一拶

語如雷果然只得三年活莫是遭他授記來鏗金憂玉虎驟龍驤不妨具大機得大用以此正印印天下叢林善知識山僧昔在湖北相見與伊電卷星馳一言契證表裏一如居士功業書於竹帛遺德在於生民後來當此

之日撒手那邊行止且道無盡居士向什麼處去還委悉麼大千沙界諸佛土刹刹塵塵現勝身復云盛德在生民四方共欽仰三教大宗師秤頭有銖兩七十九歲佛齊年是日霜風亘霄壤一聲振忽雷前星墮雲帳麒麟

掣斷黃金鎖一躍直歸梵天上萬載千秋著遺想

上堂一二三四五六七今朝此月當初一昨宵大火還西流金風動地聲蕭瑟聲蕭瑟圓通門大啓便請直截入還委悉麼有念盡爲煩惱鎖無心端是水晶宮

洪七
月旦上堂云本來無形段那復有唇觜特地廣稱揚替他說道理且道他是誰參

上堂云月生一室生白月生二產靈異月生三萬回憇格外無蹤跡風前強指南頭頭無

向背一一絕廉纖拈華特地生風草令人長笑老瞿曇

李典御作年齋上堂云大衆如來涅槃心善薩大解脫祖師正法眼衲子金剛鉗有照有用有權有寶有縱有擒有殺有活尚在向上關捩子上是箇人向箇裏出沒向箇裏拈提終未能全機剔脫若也全機剔脫去變大地作黃金攬長河爲酥酪改禾莖爲粟柄易短壽作長年不爲分外何故提向上綱宗用作家鼻孔回歲旦於今朝用慶年於此日正當

恁麼時如何萬人叢裏插高標錦上鋪華轉
光彩 冬朔上堂云日日日劈箭急朝朝暮
暮轉滄溟箇是人間好消息力因叱更須高
著眼免使頭虛白

鄭太師請上堂僧問萬機休罷時如何師云
坐斷毗盧頂進云可謂風前一句超調御擬
漢子九問如何歷劫迷師云只得拱手讚歎師乃云
靈光未光萬彙含太虛一氣既彰華開世界
起過去諸佛現在諸佛未來諸佛皆同箇中
出現若天若人若群生無不從是中流出以

一處明百處千處光輝一機轉千機萬機歷
落所以道淨法界身本無出沒大悲願力示
現受生然而此悲此願此力若是宿稟靈根
具超脫種智則才生下時已作師子吼已具
大神通至於若行若住若坐若卧或放行或
把住無不皆從諸聖頂顱上縱橫十字乃至
享福享壽享富貴多子孫悉承渠儂威力正
當恁麼時一句作麼生道重重彰瑞氣一一
湧金蓮復頌云威音已前靈苗秀到今光彩
轉新鮮萬卉芬芳風景麗壽山高到大椿年

大內慶國夫人請上堂僧問空劫中還有佛法也無師云逼塞虛空僧云未審學人向什麼處安身立命師云蹉過也僧云和尚喚什麼作虛空師云閻黎問從何來僧云三際斷時凡聖盡十身圓處剎塵空師云爭奈你踏不著師乃云處處真無回互塵塵爾有鑑覺萬象以不見而見萬法以不聞而聞不見見其見逼塞虛空不聞聞其聞包含萬有離却見不見聞不聞別有一段奇特事要須是箇大解脫機大解脫用然後方能歷落起處全

真豈不見僧問雲門如何是塵塵三昧門云鉢裏飯桶裏水又僧問如何是諸佛出身處門云東山水上行一等是箇時節朴實頭處直是朴實頭孤危峭峻處直是孤危峭峻正當恁麼時漢七將箇什麼提持將箇什麼眼目辨別還委悉麼試玉須經火求珠不離泥復頌云比心舍法界明契本來人千樣如霧集萬善若雲臻

大悲生辰鄆國大王請上堂僧問聞聲悟道見色明心盡大地是色那箇是心師云觀世

音菩薩來也進云可謂掬水月在手弄華香
滿衣師云爲什麼却是餽頭進云只如雲門
恁麼道意作麼生師云重引重退輕引輕退
進云畢竟水朝滄海去到頭雲自覓山歸師
云也須是頂門上具觀音眼始得師乃云當
年此日大悲生千臂莊嚴千眼明世出世間
殊勝事神通無不總圓成恁麼去步步踏佛
階梯恁麼來處處現身現土於六根得深圓
通於解脫得普門智所以無刹不現無處不
真或爲寶公十二面或作達磨傳心印或向

泗洲運神通或向香山發妙身周旋往返或
證三真實得二殊勝四不思議十四無畏三
十二應向娑婆世界獨有大緣說無說無窮
妙咒現無身寶王妙身隨類示悲應機赴感
求饒益得饒益應求男女得男女應求如意
漫七
十一
得如意應此猶是觀世音方便之力敢問大
衆作麼生是觀世音諦當之處不見一法即
如來方得名爲觀自在

十月一日上堂云無邊刹海廓同太虛昨宵
秋盡今日冬初曾無變易豈有親疎直下歇

去蘇魯

上堂云我我渠渠千聖祖賴乃遠廬不是心不是物一口吞盡三世佛浮幢玉香水海拈起榔向他方外淨裸裸赤灑灑萬象森羅無縫罅平懷的寶鎮巍然飢來喫飯困來

眠

大禮令節上堂七日來復各歸至盡之本一陽生起聿見天地之心徹底闢重玄當陽闡正眼直得萬國共慶四海同歡福聚一人位隆無極有箇奇特應時應節因緣舉似大衆

還委悉麼皇帝有勅大赦天下

今上皇帝在藩邸時請陞座僧問一月在天影含衆水一佛出世各坐一華只如佛未出世時如何師云風颶颶地進云恁麼則霧起龍吟風生虎嘯師云猶較些子進云佛出世

後如何師云徧界不曾藏進云但存心地無諸惡刀劍叢中也立身師云鐵石身心報國恩進云古今無異路達者共同途師云要得瞻之仰之大家讚歎師乃云金剛心真華藏界闊一佛出世千佛擁衛一華開敷萬華周

而現殊勝因作奇特事可以保安家國可以入聖超凡唯仗不思議神通難思微妙作用車不橫推理不曲斷豈不見昔日波斯匿王問釋迦老子聖義諦中還有世俗諦否若言其有智不應一若言其無智不應二一二之十三義其事云何釋迦老子道大王汝於龍光王佛時曾問此義吾今無說汝亦無聞無說無聞是真聖義諦是名一理二義一二之義其事如是釋迦老子頂額放光肘下懸符於百千萬億境界中提起當陽一著諸人還證據

得麼若證據得按頭獲勑如證據不得伏聽處分正當恁麼時如何放開一線道觸處現神通復舉昔日有一王者往見西天祖師既相見已遂命祖師說法祖師云大王來時好道去如來時師拈云佛法即是世法世法即是佛法以真道而行風行草偃山僧有箇小頌至簡至易最尊最貴往還千聖頂額頭世出世間不思議彈指圓成八萬門一超直入如來地

莘王請陞座僧問普光明殿在人間凡聖交

羅絕往還若向一塵覶得見舒光煥處奉慈
顏正當恁麼時毗盧遮那在什麼處師云在
你頂額上進云學人為什麼撞不著師云只
爲你不是銅頭鐵額進云大小天寧和尚語
脉裏轉却第十七師云大小禪客隨人腳跟走進云
須知同途不同轍第十三師云也不是這箇道理進
云天共白雲曉水和明月流師云蝦跳不出
斗進云昔日趙州端居丈室侍者報云大王
來也州云大王萬福此理如何師云頂額金
剛眼放光進云雖然入草求人爭柰拖泥帶

水師云莫謗趙州好進云忽然華國大王今
日親臨又且如何師云八字打開說法了也
師乃云大衆以佛見佛無異見以法說法無
別說佛法聞見總現成當陽直下全超越當
陽一著非佛非法非見非說非有非無非異
非如寬若太虛明如果日所以三世如來於
此示生於此修行於此悟道於此成佛全不
由他獨承渠力即如今千聖頂額上拈出了
也不以眼見不以耳聞不以口宣不以心知
正當恁麼時須是箇人始得所以道大人具

大見大智得大用舉一明三告往知來正當
恁麼時不涉夤緣一句作麼生道還委恁麼
楚澤冥開五百歲蟠桃暗長一千年復頌云
一座纔舉一刹現一華開時一佛生克證金
剛得長壽六根晝夜放光明

濟王請陞座以無漏根作奇特事以解脫智
種金剛緣不於他處現身長在頂門獨露非
心非佛非異非如等閑拈一莖草作丈六金
身等閑說一句可以當金剛寶劍人人皆稟
此用各各悉稟此心若能返照迴光便是毗

盧正體豈不見波斯匿王問釋迦老子云我
昔未承佛誨見迦旃延咸言此身死後斷滅
我雖值佛心猶狐疑此身念念遷變不知有
不變者於是釋迦世尊謂波斯匿王言爾雖
知遷變不停還知身中有不變者否王合掌
第十七
知遷變不停還知身中有不變者否王合掌

白佛云我實不知佛言大王汝年幾歲時見
恒河水王言我生三歲時見佛言如今云何
王云經今六十二年見與三歲時無異佛言
大王汝面雖皺皺者爲變而此見精性未曾
變變者受滅不變者元無生滅釋迦老子向

千聖頂顛萬仞峯頭指出金剛性不變不易
湛寂凝然堂堂顯露由是波斯匿王識其本
心敢問大衆只如今一切人皆見山僧陞堂
且道此見從何而得與威音已前空劫那畔
是同是別若見得無異無別則見現前正當

保其富貴長久福祿彌隆有福修福若大海
之納衆流唯利根種智之人具如是作用只
此便是普光殿無相身爲盧舍那萬行因華
圓果海福源洪注溢天河

圓悟佛果禪師語錄卷第四

七

十五

恁麼時一句作麼生道覲面擎開無盡藏頭

頭湧出夜明珠復云濟國大王具大根器有
上乘種性生爲帝子身極貴榮不忘諸佛付
囑知有此大因緣垂神教典深識果因凡所
施爲心源洞照所以此之作善因緣行陰隲

音釋